



Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13. tačka c Zakona o pripadnosti javnih prihoda u Federaciji BiH ("Službene novine FBiH", broj 22/06 i 43/08), člana 36. i 37. Zakona o principima lokalne samouprave u Federaciji Bosne i Hercegovine ("Službene novine FBiH", broj 49/06) i člana 19. tačka 2. Statuta Općine Breza ("Službeni glasnik Općine Breza", broj 8/09 – Prečišćeni tekst), Općinsko vijeće Breza, na sjednici održanoj dana 30.11.2009. godine, d o n o s i

O D L U K U **o dopuni Odluke o komunalnim taksama**

Član 1.

U Odluci o komunalnim taksama („Službeni glasnik Općine Breza“, broj 9/06) iza tarifnog broja 3. Tarife komunalnih taksa, dodaje se novi tarifni broj 3a) koji glasi:

„ Za svaku istaknutu firmu, oznaku, obilježje ili natpis na pokretnim objektima, kojim se označava da određeno pravno ili fizičko lice obavlja izvjesnu djelatnost ili zanimanje, plaća se godišnja taksa u iznosu od:

PRAVNO LICE

FIZIČKO LICE

100,00 KM

50,00 KM“

NAPOMENA:

Navedeni tarifni broj odnosi se na djelatnosti, odnosno zanimanja koja se obavljaju u pokretnim objektima kao npr. prevoz putnika u redovnom drumskom saobraćaju, taksi služba, prevoz robe i tereta u drumskom saobraćaju i slično.

Član 2.

Ova Odluka stupa na snagu osmog dana od dana objavljivanja u „Službenom glasniku Općine Breza“, a primjenjivat će se od 01.01.2010.godine.

Broj: 01/1-02-2980/09
Breza, 30.11.2009.godine

PREDSJEDAVAJUĆI
Općinskog vijeća
Vinko Pandža, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 30. Zakona o komunalnim djelatnostima („Službene novine ZE-DO kantona, broj 17/08) i člana 19.tačka 2. Statuta Općine Breza („Službeni glasnik Općine Breza broj 8/09 – Prečišćeni tekst), Općinsko vijeće Breza, na sjednici održanoj dana 30.11.2009. godine, d o n o s i

O D L U K U

o vrijednosti boda za utvrđivanje komunalne naknade za 2010.godinu

Član 1.

Vrijednost boda za utvrđivanje komunalne naknade za 2010.godinu iznosi 0,0045 KM/m².

Član 2.

Stupanjem na snagu ove Odluke prestaje da važi Odluka o komunalnoj naknadi („Službeni glasnik Općine Breza“, broj 4/04).

Član 3.

Ova Odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-02-2944/09
Breza, 30.11.2009.godine

PREDSJEDAVAJUĆI
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 6. i 44. Zakona o građevinskom zemljištu FBiH ("Službene novine FBiH", broj 67/05), člana 5. Odluke o građevinskom zemljištu ("Službeni glasnik općine Breza", broj 3/04) i člana 19. tačka 7. Statuta općine Breza ("Službeni glasnik općine Breza", broj 8/09 – Prečišćeni tekst), Općinsko vijeće Breza na sjednici održanoj 30.11.2009. godine, d o n o s i

R J E Š E N J E

1. Smailbegović Hajrudinu sinu Hamze iz Breze, dodjeljuje se na korištenje, radi građenja, neizgrađeno gradsko građevinsko zemljište, označeno kao:

- k.č.br. 957/51 upisano u zk.ul.br. 568 k.o. Smrekovica (s.p.), što odgovara k.č.br. 768/9 k.o.Breza.

ukupne površine 50 m² u svrhu izgradnje poslovnog objekta.

2. Naknada za dodijeljeno gradsko građevinskog zemljište iz tačke 1. ovog rješenja utvrđuje se u iznosu od 26.050,00 KM.

Navedeni iznos Smailbegović Hajrudin dužan je uplatiti u roku od 15 dana od dana prijema ovog rješenja na račun Budžet općine Breza

- broj: 1602000023507876, koji se vodi kod Vakufske banke - vrsta prihoda: 721231, šifra Općine 016.

3. Po pravosnažnosti ovog rješenja Zemljišnoknjižni ured Općinskog suda u Visokom izvršit će uknjižbu prava korištenja, radi građenja, na zemljištu iz tačke 1. dispozitiva ovog rješenja u korist Smailbegović Hajrudina sina Hamze iz Breze, sa dijelom 1/1.

O b r a z l o ž e n j e

Na konkurs za dodjelu neizgrađenog gradskog građevinskog zemljišta državne svojine, u svrhu gradnje poslovnog objekta u ul. Bosanska, prijavio se Smailbegović Hajrudin iz Breze, sa ponudom za dodjelu neizgrađenog gradskog građevinskog zemljišta opisanog u tački 1. dispozitiva ovog rješenja, u ukupnom iznosu od 26.050,00 KM.

Komisija za sprovođenje Konkursa za dodjelu neizgrađenog gradskog građevinskog zemljišta u državnom vlasništvu na trajno korištenje, nakon provedenog konkursa utvrdila je da je Smailbegović Hajrudin od ukupno šest punovažnih ponuda, ponudio najveću naknadu, te komisija predlaže Općinskom vijeću Breza da navedenom ponuđaču dodijeli predmetno zemljište na korištenje radi građenja.

Na osnovu naprijed izloženog, a shodno članu 25. Odluke o građevinskom zemljištu riješeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 dana od dana dostavljanja rješenja.

Ovo rješenje će biti objavljeno u "Službenom glasniku općine Breza".

Broj: 01/1-02-2940/09
Breza, 30.11.2009.godine

PREDSJEDAVAJUĆI:
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 48. Zakona o građevinskom zemljištu Federacije BiH („Službene novine FBiH“, broj 25/03, 67/05) i člana 19.tačka 25 Statuta Općine Breza „Službeni glasnik Općine Breza broj: 8/09 – Prečišćeni tekst), člana 19. Odluke o građevinskom zemljištu („Službeni glasnik Općine Breza“, broj 3/2004) rješavajući po prigovoru Smailbegović Salema, iz Breze protiv zaključka Komisije za sprovođenje konkursa za dodjelu neizgrađenog gradskog građevinskog zemljišta broj: 03/1-4-31-919/09 od 03.11.2009. godine, Općinsko vijeće Breza na sjednici održanoj dana 30.11.2009. godine, d o n o s i

R J E Š E N J E

I – Prigovor Smailbegović Salema iz Breze izjavljen protiv zaključka Komisije za sprovođenje konkursa za dodjelu neizgrađenog gradskog građevinskog zemljišta broj: 03/1-4-31-919/09 od 03.11.2009. godine, **ODBIJA SE KAO NEOSNOVAN.**

O b r a z l o ž e n j e

Nakon provedenog postupka po Ponovnom konkursu za dodjelu neizgrađenog gradskog građevinskog zemljišta u državnoj svojini u svrhu izgradnje poslovnih objekata putem pribavljanja pismenih ponuda broj 03/1-4-31-919/09, Konkursna komisija donijela je zaključak broj: 03/1-4-31-919/09 od 03.11.2009. godine.

U navedenom zaključku utvrđeno je da je prema odredbama člana 25. stav 1. Odluke o građevinskom zemljištu („Službeni glasnik općine Breza“, broj 3/04) najpovoljnija ponuda za neizgrađeno gradsko građevinsko zemljište koje se nalazi u ulici Bosanska, za parcelu pod rednim brojem 2. koja je označena kao k.č.br.957/52 k.o. Smrekovica (s.p.) u površini od 50 m², ponuda u ukupnom iznosu od 30.016,00 KM dostavljena od strane Hasanspahić Nermina iz Breze.

Istim zaključkom ponuda Smailbegović Salema u ukupnom iznosu od 20.999,00 KM, nije prihvaćena.

Navedeni zaključak dostavljen je podnosiocu prigovora dana 06.11.2009.godine na koji je isti u zakonom propisanom roku izjavio prigovor.

U prigovoru navodi da je prilikom provođenja konkursne procedure od strane komisije bitno povrijeđen postupak jer komisija nije provodila proceduru u punom sastavu tj. nisu prisustvovali svi članovi komisije.

Prigovor nije osnovan.

Članom 35. i 43. Poslovnika o radu Općinskog vijeća Breza („Službeni glasnik Općine Breza“, broj 2/08) utvrđeno je da je komisija za sprovođenje konkursa za dodjelu gradskog građevinskog zemljišta stalno radno tijelo Općinskog vijeća.

Članom 31. Poslovnika o radu Općinskog vijeća Breza propisano je da radna tijela vijeća mogu zauzimati stavove o pitanjima iz svog djelokruga ako sjednici prisustvuje većina članova radnog tijela, a usvajanje stavova vrši se većinom glasova prisutnih članova.

Uvidom u zapisnike o radu komisije od 29.10. i 2.11.2009. godine, utvrđeno je da su otvaranju ponuda na Ponovni konkurs za dodjelu gradskog građevinskog zemljišta državne svojine u svrhu izgradnje poslovnih objekata putem pribavljanja pismenih ponuda prisustvovala 4 (četiri) člana od ukupno 5 (pet) koliko ih je imenovano rješenjem Općinskog vijeća Breza broj: 01/1-02-1155-1/06 od 03.07.2007.godine.

Kako iz naprijed iznesenog proizilazi da je na sjednici Konkursne komisije bila prisutna većina članova to jest četiri člana od ukupno pet imenovanih, to je Općinsko vijeće Breza odbilo prigovor kao neosnovan.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici, u roku od 30 dana od dana prijema rješenja.

Tužba se podnosi u 2 istovjetna primjerka, uz koje se prilaže i ovo rješenje.

Broj: 01/1-02-2939/09
Breza, 30.11.2009.godine

PREDSJEDAVAJUĆI
Općinskog vijeća
Vinko Pandža, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-2979/09
Breza, 01.12.2009.godine

Na osnovu člana 115. Statuta Općine Breza ("Službeni glasnik Općine Breza", broj: 10/07 i 5/08) prilikom razmatranja Nacrta Budžeta Općine Breza za 2010.godinu, Općinsko vijeće Breza na sjednici održanoj dana 30.11.2009.godine, donosi

ZAKLJUČAK

I

UTVRĐUJE SE Nacrt Budžeta Općine Breza za 2010.godinu.

Po utvrđenom Nacrtu Budžeta Općine Breza za 2010.godinu sprovesti javnu raspravu u okviru vijećnika Općinskog vijeća i svih korisnika Budžeta Općine Breza.

II

Javnu raspravu sprovesti u periodu od 30.11.2009. do 30.12.2009.godin.

III

Za realizaciju zaključka zadužuje se Služba za privredu, finansije i opću upravu.

Dostavljeno:

1x Služba za priv.finan.i opću upr.
1x Općinski načelnik,
1x 01/1,
1x a/a.

PREDSJEDAVAJUĆI
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-2449-1/09
Breza, 03.12.2009.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja odgovora na Inicijativu Općinskog vijeća Breza za pokretanje postupka izdvajanja Općine Breza iz ZE-DO kantona od strane Saveza općina i gradova FBiH broj: 465/09 od 23.11.2009.godine, Općinsko vijeće Breza na sjednici održanoj dana 30.11.2009.godine, donosi

Z A K L J U Č A K**I**

Da se nastave započete aktivnosti po pitanju liječenja građana Općine Breza u Kliničkom centru Sarajevo.

II

Zaključak sa obrazloženom inicijativom o pokretanju postupka za izmjenu Zakona o zdravstvenom osiguranju u FBiH dostaviti nadležnim federalnim i kantonalnim organima vlasti.

DOSTAVLJENO:

1x Parlamentarna Skupština FBiH,
1x Vlada Federacije BiH,
1x Vlada ZE-DO kantona,
1x 01/1,
1x Arhiva.

PREDSJEDAVAJUĆI:

Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-2805/09
Breza, 30.11.2009.godine

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06) i člana 19. tačka 18. Statuta Općine Breza („Službeni glasnik Općine Breza“, broj 8/09 – Prečišćeni tekst)) Općinsko vijeće Breza na sjednici održanoj 30.11.2009. godine, d o n o s i

R J E Š E N J E

o razrješenju člana Komisije za Statut i propise

I

Razrješava se dužnosti člana Komisije za Statut i propise Sead Kovačević (rješenje broj: 01/1-02-3274/08 od 21.11.2008.godine) zbog podnešene ostavke.

II

Ovo rješenje stupa na snagu danom donošenja i objavit će se u „Službenom glasniku Općine Breza“.

DOSTAVLJENO:

1x Kovačević Sead,
1x Predsjednik Komisije za Statut i propise,
1x 01/1,
1x a/a.

PREDSJEDAVAJUĆI

Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-2805-1/09
Breza, 30.11.2009.godine

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06) i člana 19. tačka 18. Statuta Općine Breza („Službeni glasnik Općine Breza“, broj 8/09 – Prečišćeni tekst), Općinsko vijeće Breza na sjednici održanoj 30.11.2009. godine, d o n o s i

R J E Š E N J E**o imenovanju člana Komisije za Statut i propise****I**

Za člana Komisije za Statut i propise, imenuju se:

1. Bulbulušić Ermina, dipl.pravnik.

II

Ovo rješenje stupa na snagu danom donošenja i objavit će se u „Službenom glasniku Općine Breza“.

DOSTAVLJENO:

1x Bulbulušić Ermina
1x Predsjedn.Komisije za Statut i propise,
1x 01/1,
1x a/a.

PREDSJEDAVAJUĆI

Općinskog vijeća
Vinko Pandža,s.r.
